

雪
門
詩
草

雪門詩草卷十二

上元初集

善化許瑤光雪門甫著

癸酉年

南湖八景有蕊珠閣紙客圖入詩箋求題

入詠嵌亭事偶然。那堪圖入研光箋。勞他墨客停舟訪。管領鴛湖已十年。

大書恪靖聚文堂。虛白齋同侍講梁。我亦蕊珠題閣額。不妨標榜近文章。

杭州書估聚文堂額乃恪靖伯題

酬寄張少渠

不嫌俗吏倩題詩。酌寄春聯集漢碑。琢句繡章金石重。
迢然動我古人思。

衛風桃李報瓊琚。我受梅花貺轉虛。只合向花深一拜。
譬來良友月明初。

江干早春

水外梅花挺瘦枝。江湖春意客先知。輕雲籠日蒸黃暈。
薄霧含山弄碧姿。鬱鬱蛟龍滄海氣。高高鴻雁北雲思。
狐裘絮帽扁舟立。儘受東風向面吹。

詩翁

蒼○范○萬○古○幾○詩○翁○刻○畫○乾○坤○造○化○工○夜○坐○靜○邊○銷○白○雪○
曉○吟○豪○處○轉○東○風○人○來○遠○浦○蒹○葭○外○春○在○疏○林○煙○雨○中○
殘○臘○新○年○多○意○興○不○須○原○野○鬪○青○紅○

靜室

靜○室○雖○靜○含○動○機○飄○飄○爐○香○出○隱○飛○硯○凹○聚○墨○起○雲○霧○
開○匣○露○點○如○珠○璣○虛○空○形○色○皆○道○筌○陰○陽○摩○盪○無○纖○微○
曠○然○吟○詩○寫○心○得○孰○謂○流○連○光○景○非○

自知

鶴○守○寒○梅○鷺○守○汀○自○知○拙○宦○愧○前○型○縱○隨○民○欲○羞○浮○譽○

除摘奸頑少重刑。詩興春濃千柳綠。道心秋肅九霄青。
讀書從政求根柢。敢學飄搖水上萍。

江暮

蒼煙莽平蕪。上接黃雲淡。春江落日不分明。卻有餘霞
頽可攬。曲曲雙橋古木遮。飄飄漁艇枯蘆撼。昏鴉噪鵲
無遠圖。棲依但入平林閣。此時飛鴻急暮天。橫飛萬里
孤征膽。春星出霧白吐芒。春月涵江光不慘。我舟宛轉
隨江流。星月徘徊周四覽。何處微風送棹謳。搖曳詩情
入恬憺。

天師來

天師來。窺西湖。湧金門內將軍居。嘻嘻出出鬼鳥呼。高
牙大。轟駭且慄。向天師乞辟火符。符鎮宅。宅夜火繡服
瓊弁珊瑚顆。珠簾畫棟青銅瑣。冊籍全歸赤牒。怒燼餘
只賸紅牆梁。將軍大怒符不靈。武林門鑰夜未扃。天師
悄出杭州城。出杭城來嘉興。金衣寶冠華輿乘。昂然稱
述張道陵。七分神仙三宰輔。美才奇士徒烝烝。青草白
獸惹噩夢。玉劍珠履何威稜。手持正一符求見而我閉
關不與面。溯自留侯受素書。張家魯角多妖變。老君已

睡此輩狂不講道德與修煉黃帽鴉塗草草符遍賺山城和水縣乃知赫赫上卿松雪碑不如元元聖祖樂天詩

三月二十三日敬紀

三月辰龍萬壽期已經一紀祝繁釐焚香又下鴛湖拜走驛欣傳燕喜詩神武中興逾涿鹿鴻文開闢

更庖犧鶯花解獻長春象朶朶祥雲捧日姿聞今上元旦有一

家徵燕喜四海轉鴻鈞句

暮春贈阮雨農

君愛讀史我讀詩學術微緣嗜好岐詩吟時事史古事
考鏡得失究一致風雨談心十八霜我髮宣白君面蒼
百年匆匆壯易老况復中經滄海桑吳越舊交今剩幾
一燈相對還相喜不隨鋒鏑化青燐仍效蠹魚鑽故紙
煙海茫茫四庫多簿書閑暇能幾何有限聰明逐無限
後人多被前人訛此日暮春花滿樹南湖芳艸青青渡
麗日和風無限情黃鸝紫燕巧相遇勸君掩書我輟吟
相將一棹游春去

乾坤

莽莽此乾坤。浮雲萬古奔。文章誇世胄。仁義在侯門。儒將乘驄馬。村醪薦玉尊。除他銀漢月。曲直與誰論。

訪江夏王琳齋

景彝

同年於精嚴寺

不耐魏塘宰。艱難巨室多。看雲知世變。對佛且高歌。舊夢晴川樹。雄心滄海波。抽閒詩更靜。慷慨寓春和。

衡山陳槐亭

鍾英

同年以知非齋詩集見示題此

政事文章美。今兼有幾人。已修平浙紀。來詠魏塘春。好雨花驄繞。薰風麥雉馴。知非經亂意。詩共上元新。

槐亭與修

平浙
紀畧

贈陳湘亭祖襄太守

閩籍僑湘土。文章實舊交。戎行同輩貴。京秩世情嘲。月戀蘇堤柳。雲荒宋宅茅。嚴灘雖出守。水淺未騰蛟。

嘉興俸滿入覲書事

嘉禾太守十經春。二百餘年我一人。

瑤自同治三年四月廿八日履任至

今四月廿五日交篆已十年矣。攷府志惟順治時李國棟會任六年。康熙時吳永芳會任八年。乾隆時郭廷翥再任七年。會曰理四年。嘉慶時伊湯安亦再任七年。此外或一年二三年而已。無十年者。日月相與崇久道。桑麻重墾。費經綸頻支。鶴俸皇恩渥。累閱鶯花白髮新。此去燕雲無限喜。薰風萬里不驚塵。

新年簾卷九天高。玉詔親裁鳳尾勞。深冀西陲馳凱
奏。已聞粵事纂戎韜。香薰寶鼎千年業。蠲沛黃麻薄海
膏。儻爲民依衆。召對光華應許近。龍袍
爲有輪船出滬程。徐揚官驛少人行。洋過黑水羣蛟匿。
山人青齊萬馬迎。捷徑敢馳蓬島路。邊防聊悉海疆情。
手提長劍扶桑曉。指向波濤問碧鯨。
南湖久住已成家。煙雨樓臺景物賒。暫別不須攀碧柳。
重來正好醉黃花。騰霄白鶴終還海。近日秋雲易變霞。
携得爐煙雙袖下。挑燈細與說京華。

遊半山廟登雲錦亭

自昔杭州論春色。西湖楊柳半山桃。茲來仲夏桃已熟。
夾道暮靄蒼松高。寺藏山腹饒古木。前殿破落兵火燒。
廟破神靈祈禱衆。沉檀繚繞煙霞洞。我無疥癬不煩神。
蒼苔拂拭將碑誦。知神倪姓嬋娟子。弟兄俱抱國殤慟。
奉母幽居死貞孝。半壁河山值南宋。三十六道金兵來。
立馬吳山發狂嘒。天水搖碧翠帔臨。威儀吉協高宗夢。
神旂一麾妖雲開。天目克保飛龍鳳。赫赫至今七百年。
青山如馬陣前控。土人擊龕警神聾。滿堂碧簍粘香粽。

青史無傳藉俗傳上元初身捍灾祀典原通共若堯二女主洞庭
開母石兮嵩山靈曹娥抱父上虞水露筋之廟蘋花馨
茲更坤龍能決戰一洗元黃舊血腥毒蛇盤結妖鳥噤
罔雨魍魎藏眞形長安壩水何泠泠艮山城郭煙冥冥
藤蘿倒挂巖壁峭有客孤吟雲錦亭

五月十八日善化吳誠齋甯鄉周藻臣安化李少

枚三司馬邀同湘陰左泉山場政餞別西湖

他鄉遇鄉友情比故鄉濃北闕催行轡西湖費酒鍾
長歌折楊柳共醉有芙蓉三竺雲峯湧深疑起臥龍

過孤山仁和典史林雨人墓書感

杭州初次陷。殉難鬱官紳。卽以卑官論。吾鄉大有人。○

○長沙

張伯笏字子潛。官藩照磨。聞城破。乃從容書絕命詞。於壁云。身未入鳳池。今負先人之微職。今實皇命之所逮。夙既濟之無知。雖隸薇垣。之微職。今實皇命之所逮。夙既既。嗟乎。苟免。今今。隔難。其焉。辭。企。燕。中。之。北。關。今。心。耿。耿。以。長。悲。望。湘。上。之。白。雲。今。魂。渺。渺。以。過。歸。念。吾。今。子。列。節。於。三。河。今。與。迪。芬。中。丞。篁。村。運。使。相。追。隨。吾。今。麗。碧。血。於。武。林。今。命。吾。長。子。爲。前。驅。囑。吾。季。子。以。自。勗。今。綿。忠。孝。之。家。聲。於。弗。衰。書。竟。賊。入。署。奮。力。格。鬪。遂。遇。害。丹。心。俱。萬。古。碧。土。讓。湖。濱。地。下。如。相。訊。梅。花。獲。比。鄰。

彭雪琴宮保營退省菴於三潭映月

不肯鈴轅住。來營退省菴。○長江留戰艦。大局重東南。○

帝眷青天渥。臣心白水甘。清名與威望。寒逼月中潭。

文會

正既薨於兩江節署。朝命徵公入。蓋欲以公代也。
公力辭得免。特旨授兵部侍郎。又以疾辭。乃賜歸。
而仍命其以時巡閱長江水師。兼諭兩江兩湖。
籌經費。公就醫來浙。奏辭經費。請以從前截曠所留。
生息充之。并請建屋三間於西湖名曰退省菴。以兩
年爲往來之期。其沂江上巡則度歲於家。沿江下巡
則暫寓此菴。省水兵迎送之煩。是其不忘戰備。上顧
國恩。仍復淡情利祿。別無私戀京師爲之語。曰。
君恩愈渥。臣志愈堅。誠哉言乎。

吳山太虛樓書感

恪靖援閩日。同僚餞此樓。湖山規百戰。風雨正三秋。此
際楚材盛。今余碩果留。憑闌一西望。落日隔涼州。

余將北行禾中耆英構亭南湖截雅詩來許以名
之六月三日設餞於斯贈詩者幾百人卽席作
答

昨○日○歛○露○之○蓮○花○今○日○重○向○湖○中○開○昨○夜○入○海○之○明○月○
今○夜○重○照○湖○中○臺○好○花○好○月○人○不○厭○俯○仰○盼○望○增○徘徊○
我○今○述○職○入○京○闕○南○湖○餞○酒○金○尊○凸○嶽○嶽○賢○豪○會○若○雲○
歡○然○令○人○不○忍○發○遮○帆○楊○柳○何○青○青○菱○花○芡○花○攔○漿○馨○
潭○水○深○情○數○千○尺○白○鷺○回○首○湖○中○亭○亭○邊○古○綠○千○霄○樹○
卻○爲○浮○雲○管○來○去○我○來○橋○李○已○十○年○茲○去○不○過○三○月○天○

久別自契濶暫別胡纏綿探懷錦繡詩百篇重壓我船
船不前人生有情宦有蹟湖雨湖煙杳無極月波樓樹
金陀園青苔碧草生顏色鴛鴦有約定重來且作長歌
題素壁

綵船詠

嘉紳張蓮舟兵部吳牧騶觀翥張晴江刺史陸
若卿太守倪秋谷司馬陳定夫錢雲卿蔣希伯
石蓮舫程少梅王月江孝廉倪亦山王申甫吳
少溪唐丹石學博張少渠大令金韻清姚撫之

提舉姚石笙州司馬張竹亭主政陳海門謝東
山藩參軍郭益三少尉王鑄庵明經陸青選吳
晉仙沈莘農姚伯緹葛星槎諸門人旣已觴餞
鴛湖復於初九日雙船結綵遣送長塘爰作是
詠以誌盛情

秀州父老飲我酒。構亭青蔭鴛湖柳。秀州父老送我行。
綵船雙雙停北城。城中之人燃銀燭。雕甍蓮花承蓋綠。
城外之人懸珠燈。流蘇寶額雙鳳騰。我欲搖槳去。父老
爲留住。邀我登綵船。玉杯深深注。昨日之酒尚未醒。今

雪門詩草

卷十二

上元初集

九

日之酒何其馨。不亂豪飲爲君醉。爭賴好風催客舸。是
順主人祝好風。客卻將風惱。人生難得是知心。官場自
古知心少。拜別綵舟中。綵毬團團紅。不灑別時淚。相約
重相逢。二十九人二十里。隆情盛會滄江水。江水悠悠
接海流。海霞飛入船。際紫黃浦波。濤迎我始。

平湖高掄元秀水許隴和屠樹榮桐鄉陸費煊陸

費煦諸門人送至楓涇志感

江湖如許熱。一棹五人同。浙地斯文重。天涯意氣通。鳥
鳴塘樹碧。魚躍渚花紅。携手邀相賞。那知入柳東。

同鄉傅翊梁軍門鄧書田總戎鍾高福都閩各以
水師相送

輕裝無長物。底用護兵船。練甲明朝浦。紅旂耀晚川。人
疑疆吏過。我結故鄉緣。武職歸文轄。由來滌相傳。

行程卽景

鴛湖水映藕花紅。流出長塘便向東。兩岸青蘆高過竹。
曉風無數白頭翁。棹舟江浦夕陽餘。荒寂無人更打魚。惟有荻根錢樣穴。
捉來小蟹似蜘蛛。

已離楓涇海雲開夜有潮聲訝雨來看雨推篷天似水
一輪明月是詩媒

三吳澤國水爲程繡壤原田與岸平忽見小山青似鳳
舟人指是五茸城

雨後棉花翠色斑沙堤牛臥桔槔閑紅牆蕭寺橫州出
小泊商船得勝關

水入吳淞波浪黃平流直接海天蒼更無魚鱗和菱蕩
彷彿桐江出富陽

兆富里聽王麗娟彈詞

淞雲海雨富鶯花。大道旁開曲徑斜。自命詞塲擅矜寵。不知同是抱琵琶。

申江雜感

三十年前海曲沙。無端樓閣簇煙霞。黃金布埒馳名馬。白玉開塲走鈿車。聊翦淞江成島國。直令香港讓繁華。書生休泥籌防策。中外于今已一家。不因兵燹助荒涼。轉爲干戈擅富強。橫海有軍收甬越。臨淮出將定蘇常。精能火器雷霆銳。迅捷戎機電線藏。太白吐芒秋氣厲。天教金革宅西方。

燈火新開不夜城。水籠鐵篲自然明。華髮天濶星長朗。
歌舞場寬月有情。已把毒煙迷白晝。卻添燐焰混殘更。
荒唐鬼市羅珍異。玉盃金甌數未清。
翻奇銅礮後膛開。更破輪船製水雷。兵餉法夷輸普急。
衣冠日本效西裁。俄羅有使投賓館。粵憲貪財入拜臺。
海市蜃樓多變相。未知誰是靖邊材。

携桐兒至徐家灣游洋人花園紀事

十三日

人能識破繁華局。何碍歌塲與酒樓。人能識破機巧界。
何訝飈車與陸舟。繁華機巧滬上絕。舍旃且作清暇游。

道往徐家灣。遂買馬車走一路洋樓金碧明。冬青樹間
垂楊柳短垣上。瑣鐵闌干無數奇花鋪地厚。洋樓已盡
洋園開。中有碧眼紺髮叟。銀餅沸注賀蘭水。持小生佐
葡萄酒。雕盤雜進牛乳酥。旋擊洋琴將酒侑。憶我同治
二年時。越州兵目德克碑。邀我宴飲府東郭。燒羊炙鷺
堆玻璃。飲畢入室坐。其榻旁挂寶刀光陸離。告我破膚
立昏斃。至今回溯神狐疑。我後酬饗用華味。狂飲肆啖
如甘飴。相歡贈以孔雀翠。戴我冠冕忘侏儸。乃知飲食
與衣服嗜好。美惡異族知不圖。此叟更解事。見我面創

問何器答之諸賢受刀痕重作華語增獻噫轉述彼亦
戰○淞○江○身○受○三○傷○額○一○傷○同○澤○同○袍○同○戮○力○只○隔○吳○天○
與○越○疆○于○今○東○南○已○無○事○買○酒○栽○花○作○生○計○携○鋤○自○種○
邵○平○瓜○乞○援○閑○話○沙○陀○利○辛○酉○回○頭○十○二○春○尋○幽○訪○異○
遇○斯○人○吩○咐○兒○曹○須○記○取○華○夷○原○共○此○君○臣○

靜安寺觀湧泉

濫泉泌沸見葩詩今日來觀海角知始信水流非盡下
乾坤萬古擅離奇

登洋船書感 十五日

非無可泊岸。自愛大洋行。絕域長孤往。青天鑒此情。風
雷生轉柁。晝夜聽兼程。銀漢乘槎客。同懸白日名。

過黑水洋作

可○憐○海○水○至○此○水○清○絕○胡○爲○世○人○訛○傳○黑○水○名○想○似○彼○
蒼○絕○渣○滓○遠○視○乃○以○元○相○形○我○乘○舟○過○正○六○月○上○下○一○
碧○天○日○晶○寒○氣○逼○人○似○秋○暮○錯○疑○澈○底○堅○冰○成○前○日○吳○
淞○口○水○色○黃○如○蠟○昨○日○遼○漠○洋○色○似○青○春○葉○計○程○明○日○
至○煙○臺○濰○淄○餘○波○淡○可○呬○舟○人○頗○震○此○險○深○眉○蹙○口○噤○
神○色○沈○那○知○空○懼○終○無○補○作○詩○且○和○蒼○龍○吟○龍○亦○不○敢○

吟蛟亦不敢出聽我橫行萬里舟。凌轢扶桑看曉日。波
澎湃兮高復高。風馳驟兮號復號。以鏡照鏡兩無碍。能
鑒此水之非黑。賴有明明在上之青霄。

海中望遠

但見雲生不見山。東風吹雨向人間。自然流作東南澤。
知是齊關是楚關。遠舟如蟻導吾前。轉瞬依微落後邊。莫問今宵泊何處。
遙遙遠岸是青天。

晨起見登萊諸山 十七日

不必果到岸。見山情便親。孤帆空所向。獨鶴遠迎人。岱
雨秦碑古。灘波漢戟新。何當騎白鹿。携句叩蒼闕。

煙臺

綠水洋過黑水來。重看綠水始煙臺。秦皇鞭石留雄畧。
鄒衍談天擅異才。不信興雲惟岱岳。轉疑落日傍登萊。
吳淞回首三千里。惆悵連宵琥珀杯。

浮海遣興

百年兵甲洗滄波。萬里雄圖託浩歌。伴我同行惟日月。
從今嬾語及江河。心馳瑤水羅青雀。手拂珊瑚釣白黿。

極目長安連北極。五雲樓閣鬱嵯峨。

海舟觀日

昨夜玩海月。天水相盪磨。輕風漾微雲。上下俱白波。今朝觀日出。遠煙塗碧螺。煙中吐光暈。照耀雲霞多。低雲劃賴玉。高雲濯黃羅。上蓋烏雲重。交錯金蛇梭。遠近變幻無定象。萬里倒映珊瑚柯。欲出未出天已曉。開闢昏晦山與河。須臾騰躍遂直上。幾曾鞭御煩羲和。重華普照皇輿土。鳳皇底事矜朝阿。我舍青兗走渤海。轉嫌泰山日觀多。差我詩成將稿投。蛟鼉龍宮擊節和高歌。請

變黑水洋作墨池水蘸我淋漓畫日之筆夫如何

海濤

九衢本清靜香輪紛碾紅塵高滄海本恬晏巨舶衝渡
生怒濤銀山玉嶂起頃刻始信錢塘多逼仄萬里浮空
得壯觀此行應感蛟龍德岷峨江漢來朝宗黃河落天
桃花紅五雲倒浸炫金碧日月照耀垂霓虹不願觀匡
廬之飛瀑不願走巫峽之雲峯但願瀆海造樓高百尺
一枕睡足洪濤衝起看萬頃白芙蓉

進大沽口作

十八日

大沽之色如黃玉。改變汪汪滄海綠。大沽之流曲復曲。
盤折羊腸轉車軸。大沽之口如瓶束。一舟橫塞千舟蹙。
我乘輪船來將進。阻淺沙好風不能送。候潮西日斜。比
進眺兩岸。雉堞紛啼鴉。炮臺何岑簇。相對峙煙霞。扼要
有如此。嗟爾西方之人胡爲乎來耶。旋泊紫竹林。再過
河三义。乃知咸豐庚申北狩役。失機在此增咨嗟。古來
皇畿取水利。萬方玉帛來天家。龍興虎視卜河洛。六朝
南宋江海涯。惟茲大沽通河通江復通海。直以一勺扼
中華。不道輻輳萬漕艘。亦泊海客千里槎。蓬山閬苑紛

鳴蛙金臺玉沼。蛟蛇斜行。佞盧混寶。誥翻譯遂開同。
文衙從茲濱海。修船政采煤冶鐵。鋸林枿轉恨此水太多。
多事不減瞿塘灩澦。浪花。

天津謁節相李肅毅伯二十日

天倚威名衛玉京。特教東海峙長城。綢繆畿輔屯兵策。
鄭重樓船備敵情。十七國知尊上相。萬千箱更活災氓。
安邊撫內陰陽燮。未懈求賢吐握誠。
近在香港及滬上互市者不止十七國而十七國則天津通商國數也其在歐羅巴洲者爲俄羅斯普魯士奧斯馬加法蘭西英吉利意大利西牙班牙葡萄牙瑞典與噠國希臘土耳其荷蘭比利時瑞士共十五國其在北阿默利加洲者爲米利堅合

二十五邦爲一國又謂之合衆國其與中華同一亞
西亞洲者爲日本現亦受節制於泰西計三洲共十
七國其立國有三等一曰君主之國昔之法國今之
俄羅斯普魯士是也一曰民主之國由民舉一首領
期滿則易之曰君民共主之國英吉利意大利荷蘭
亦效之一曰無子亦可傳女今英主維多利亞是其
國設上下議院謂之巴力門上院主以勲舊下院主
以紳民有政會議以黑白珠定從違白多者行

嘉禾克復憶雄謀松太蘇常一律收已渡長河清
更驅萬馬掃青州詩書氣壓蕭曹侶孝友門鍾達
適儔我飲鴛湖今十載思量句水是誰留

偶書

連年畿輔水爲荒。莽莽平沙一片黃。白髮老人搔首道。
不○愁○狂○雨○只○愁○長○

登通州船 廿二日

明知河路曲。便捷不如車。爲避沙途潦。兼觀川上魚。
帝鄉雲咫尺。長夏日紆徐。萬事從容好。閑閑白鷺鋤。
聞道舟人說。重陽此凍冰。卽今三伏熱。入夜袷衣增。日
月臨邊肅。波瀾赴海騰。碧雲天壽遠。何處訪明陵。

潞河遇雨

猛雨舟不泊。前途尚有村。燕雲連碧艸。海氣助黃昏。漕

上元初集

艘空依岸人家靜閉門清涼無六月鱸鯉倒金尊

過楊村見有以雙綸垂釣者書感

橫江張大綱得魚雖多究貪想獨竿繫單綸取魚太廉
費精神蒼天照萬物日月雙輪梭黃輿潤百彙南北雙
江河以耦成奇用兩儀理不磨聖哲知此意求賢張禮
羅薦辟與延訪豈徒恃甲科今古英豪彌藪澤請君休
以一途苛

黃河

流不盡塞北沙注不滿東海涯渾渾泡泡數萬古春漲

桃花秋桂花博望尋源究何補黃金買土作防堵豫究
青徐無泛流頻年慶衍安瀾譜治源不如治流防春不
如防秋元圭告成究何日悵望蒼天錫九疇

過香河縣

倚劍遼天望不迷香河縣在碧雲西水歸魚鴈翻翻曲
樹繞村莊翦翦齊野渡有人驅犢過扁舟無事聽蟬嘶
臨風休憶西湖柳一路青雲足品題

暮泊馬杜書感

風卷雲開霄漢青水迴村出一舟停紅牆遠見西山寺

紫氣高懸北極星。聞道島夷成覲禮。欣傳朝寧重儀型。天威咫尺。天恩涯寄。語江南父老聽。日六月廿五上駕。

臨紫光閣受外夷覲禮時以國書至者五國之陪臣禮成俱悚惕無敢仰視者

偶朝

虹挂雙橋月寫蛾。乾坤無奈是情何。鶯花旖旎青春蕩。岳瀆纏綿暮雨多。節禿氷天留允子。身輕瘴海動梨渦。誰持樵斧搜藤葛。赭壁頽巖卻女蘿。

舟中雜詠

瞻日瞻雲卜雨晴。看沙看水問村名。掠波雙燕飄飄思。

飲露高蟬淡淡情。

上海輪船得荔支。天津正熟蜜桃時。玉爪又向香河買。
風味新嘗萬里知。圓明園固莽灰塵。渤海波濤十四春。夜聽舟人話官事。
鈴轅前歲駐天津。長江戰艦穩浮天。拖罟長龍舳舻聯。移到近畿籌海備。
紅旗新載建城磚。身隨四僕盡南方。生長羅紈魚米鄉。那識瘠勞邦國本。
敬炊葦火煮黃梁。

通倉米兌剝船空歸載高粱稈葉紅更斫白楊沿岸賣
沙堤賴臂有樵翁

水乘伏雨漫河濬負纜沙灘漲及身休道客程多乏困
舟人比客更酸辛

風卷垂帘故故斜綠楊依岸有停車偕書賚雪欺霜字
知賣重羅細麵家

忽持篙進忽帆張總爲川途曲折忙私喜一程終可借
較伊鎮日逆風強

斜陽泊岸傍村行不問川程問陸程爲報蹇驢雖緩緩

一鞭明日鳳皇城。

雨過

黃流滾滾下前灘。雨過篙師悵路難。惟有村農無個事。
柳根箕踞弄魚竿。

泊張家灣

廿七日

搖曳張家灣畔旗。青林綠塢繞差池。直看遙見通州塔。
正是紅雲夕霽時。

通州河

大沽水已七十二灣。通州河路倍回環。去岸屢從來岸繞。

前舟訝作後舟還。蛛絲蟻線纏綿甚。楚梗吳杭運濟艱。
太息東南無此境。祥源福止蔚西山。

通州道中

渤海東來路向西。綵雲紅日與提携。百年意氣凌蓬島。
六月清涼傍柳堤。路入碧梁人不見。車停芳艸馬羣嘶。
西山爽氣蘆溝月。古錦囊邊倚醉題。

通州登岸王卿雲黃觀臣兩司馬留席

維舟沙岸訪僧寮。恰有良朋寺外招。回首三千來路遠。
煙江雲海碧迢迢。

廿九日冒雨由石道走齊化門入城

深愁石道太陂陀。卻喜嚴城冒雨過。稅吏未防官橐瘦。
勞筋偏耐鐵輪磨。誤疑瓊島春陰在。不信金臺夕照多。
二十四年重到此。舊交冠蓋渺星河。

閏六月

金碧樓臺闌苑賒。人生幾度醉京華。拚他閏月添梧葉。
飽借薰風看藕花。北地高寒宜避暑。西湖幽秀亦非家。
酒泉喜報蕭關捷。土貢應傳哈密瓜。

謁庚戌朝考閱卷師前大學士朱桐軒戶部尚

書輔國公宗室載鶴峯禮部尚書宗室靈薌生
前烏里雅蘇台大臣福元修諸夫子退作

保和殿試廿年餘

顯廟承乾蒞祚初最重文衡元愷

盛朝端今只兩尚書

初次閱卷者花赫會杜四人二次閱卷者穆柏載靈福和朱季侯王

杜車十二人今存而在位者二人存而去位者二人而已

福師烏里雅蘇台塞外全家慘劫灰齒錄道隨書籍燼

一孫相伴是童孩

福諱濟

記謁朱師海淀旁綠荷花發繞門香乞休食俸東城住

慘淡金臺病夕陽

朱諱鳳標號桐軒時病危未見

鶴舫聽濤師已矣。文端夫子昨仙游。二十餘年三滿相。

卿雲變滅水東流。

穆諱彰阿柏諱俊瑞諱常諱文端皆滿相也。

蘭莊師舊有書通。正值錢塘烽火重。文定欸夷曾出使。

未能携酒過吳淞。

和諱清花文定諱沙納號松岑曾同桂文端相公出使至滬。

通政旋爲駐藏臣。我瘡西畔少行人。果威一去無消息。

荇草蠻花黯淡春。

赫諱特賀先任通政司後爲西藏大臣沒諡果威。

杜師擢後遇車師。沂水春風有夙知。朝內山東今幾輩。

黃河流濁破灘溜。

余卷初次爲杜諱翺號雲巢所錄二次爲車諱克慎號意園所錄皆山東

人今山東顯宦甚少或謂黃河流入所致。

文定聲名重泰山清芬駿德杳瀛寰前年福海轎車過

得識通家鸞鳳班

孫文定諱瑞珍號符卿今福建學政係萊山乃其誥嗣

葉堂師罷愛棠衰仙九師持節鉞來迎送錢塘江上月

愁雲卷入釣龍臺

侯諱桐號葉堂以年老罷王諱廣蔭號愛棠以老乞休季諱芝昌號仙九

出爲浙閩督以病去

中興事業煥雲霄文正鄉情楚水遙忽憶投壺賓館餞

含悽怕過虎坊橋

庚戌出京曾文正餞於湖廣賓館是日投壺

閏六月廿五引

見遇雨奉

旨改期

理藩飯舍近龍樓待漏晨期盼冕旒乍報九天金鑰啟

卻逢霖雨玉階流。含風正槐臣衣濕。改日欣蒙帝虛周。已出紫城回首望。濃雲瑞霧靄螭頭。

廿九日引

見於養心殿

夜入東華不掌燈。玉階金屨滑如水。聲飄絳幘傳籤緊。匣進黃綾奏事興。景運門開初日麗。乾清宮靜御香澄。月華四出瞻遵義。瞻甜金猊目有稜。

至尊手握綠頭籤。日角龍顏萬象瞻。北面頭班先豸服。

是日御史引見

東楹盛典撤黃簾。

間前垂簾在殿之東楹

銓臣近座蟬

聯肅散秩分頭鵠立嚴。親政今年還舊制。對揚口奏

語新添。

七月朔日蒙 恩召見於養心殿之西閣退謁樞

密紀事

謝 恩曉入叩丹墀。正是新秋薦 寢時。金輦還宮天

乍曉。銅人送寺仗潛移。徹歸遵寶頒清要。卸卻 龍衣

問政宜小憇。養心西殿外。樞臣欲出侍臣知。

瑤宮此日熟仙桃。節遇千秋著蟒袍。是日內宮千秋節得穿蟒服千曲

入赭簾留夾道。門臨寶鏡察秋毫。免冠泥首東隅側。思

尺瞻顏 御榻高。不聽深宮仙樂奏。垂詢無乃 聖躬

勞

出身籍貫及年庚。更問雙親與弟兄。覩面創痕憐戰績。
關心風雨察民情。直將孝弟乾坤轉。喜定干戈宇宙清。
語罷春生。天色霽。委蛇退出有人迎。

朝廷象果中興隆。親密元勲盡潔躬。吐握不卑湘曲士。
殷勤重訪海隅風。門庭狹隘難旋馬。花竹清閑冷綴蟲。
更過塼橋來石汊。秋荷嫩灩向陽紅。

初六日復行引。見初八日謝。恩蒙。旨回任。

秋色龍樓鳳閣扶。天恩重許管南湖。頗聞澤國乖龍

早可有吳兒竹馬驅當日策廷先帝簡此時堅任
聖人謨五雲携向行囊去惹得鴛鴦水畔呼

京都偶感

玉○宇○瓊○樓○絳○雪○餐○最○繁○華○處○最○清○寒○無○方○辟○穀○神○仙○窟○
借○聘○償○錢○帝○子○難○桂○苑○聽○歌○銷○歲○月○銀○河○蘸○筆○起○波○瀾○
羨○他○星○使○詞○曹○出○野○館○濃○花○繞○繡○鞍○

四○大○洲○民○駕○海○來○冒○衫○鏤○頰○紫○城○隈○東○隅○地○闢○全○權○館○
南○苑○牆○鄰○瞭○遠○臺○大○會○祭○天○聊○罷○市○招○徒○闡○教○轉○資○財○
錢○如○王○面○書○旁○走○編○傳○曾○勞○腐○史○才○
史記大宛傳安息國以銀爲錢錢如

王面是卽今洋錢所昉也。畫革旁行以爲書是卽今洋人書所昉也。

清○秘○珠○宮○蠡○太○虛○七○司○三○院○奉○宸○居○烏○跋○日○觀○原○仙○
鳥○鯨○吸○昆○池○總○巨○魚○萬○里○江○淮○輸○錦○繡○千○年○山○海○貢○瓊○
琚○歲○終○不○會○尊○榮○制○誰○道○周○官○是○僞○書○

客○星○昨○近○紫○微○天○無○數○金○童○費○綺○筵○雙○袖○預○籠○書○帕○禮○
重○聞○敢○惜○導○行○錢○蜚○聲○上○苑○三○珠○樹○結○客○長○安○七○寶○鞭○
惹○得○玉○皇○舒○一○笑○黃○芽○鍊○就○冊○登○仙○

買書

東○南○書○籍○厄○兵○荒○問○值○玻○璃○廠○亦○昂○戡○亂○將○猶○資○禮○樂○

承○平○世○定○重○文○章○
貂○纓○孔○翠○從○時○貴○
漢○碣○唐○碑○有○客○藏○
費○盡○黃○金○博○迂○拙○
紙○堆○空○替○古○人○忙○

題長沙謝彭氏殉烈事實

湘○山○何○峻○潔○湘○水○何○清○漣○
煙○雲○自○紛○擾○中○粲○白○石○堅○白○
石○不○可○涅○變○作○寒○冰○裂○
淒○然○動○乾○坤○萬○古○灑○蘭○雪○
蘭○心○碧○血○紅○宛○轉○深○閨○中○
深○閨○人○不○見○八○年○帖○雙○燕○
雙○燕○靜○相○依○那○知○世○變○非○
變○生○多○局○促○阿○儂○心○似○玉○
下○有○黃○泉○甘○上○有○青○天○燭○
甯○爲○玉○碎○羞○瓦○全○悲○風○鐵○笛○
梅○花○曲○

同鄉黃藝甫留京師者三十年矣念閨月之獨看

遂嘒星之不詠情以深而固亦近今所難得也
詩以美之

三十年來鎮獨眠。牽牛星伴紫微天。他時畫錦堂前月。
照見團圓白髮玄。多少蓬山掃落花。偶霑雨露便忘家。輸君故劍纏綿甚。
一片剛腸鑄鏌耶。

喜逢熊鶴村於善化試館

我走吳天越地鞭。君吟秦樹蜀雲妍。東西阻絕一萬里。
兵火馳驅二十年。爲語重生休訝老。欣聞得子莫論錢。

古槐枝上團圓月。宣武門前證此緣。

紫光閣

紫光傑閣矗雲霄。四壁煙霞爛錦袍。隊錫銀牌秋射肅。
殿藏寶蠹舊功高。中興廟算神機轉。北望回疆牧馬
逃。寄語西洋諸島國。許成覲禮卽恩膏。

南苑

有客邀窺寶月樓。玉荷金柳感宸游。芸齋蘆館穿橋
見。竹室蕉軒伴水浮。天上莊嚴難記相。人間林囿不勝
秋。瀛臺侍宴先朝典。爛璇題在上頭。

張竹汀

沅

侍御黃藝圃指揮招遊天甯寺

欲從天壽訪明陵。回躡西山最上層。雅抱未償眞俗吏。
清游何幸得良朋。天圍石塔風雲古。秋抱金人日月澄。
出郭軟紅塵已洗。灌園況有養花僧。

舟發河西務有金鯉二尺餘躍入余舟

仲秋哉。生明晨。發河西務。有鯉躍入舟。鱗甲黃金鑄。呼
童不忍烹。諒無故人素。我生薄神仙。嬾學琴高御。同行
少郭李。底事龍門附。咫尺失波濤。赤鯁毋乃誤。放之歸
中流。好向滄海去。六鰲聯舊知。長鯨結新遇。水族安水

鄉○慎○無○遷○故○步○世○人○多○好○奇○瑞○應○作○圖○注○白○魚○入○王○舟○
泰○誓○僞○誰○悟○悠○悠○懷○古○思○朗○誦○躍○淵○句○

天津水災紀事

今○夏○天○津○來○玉○京○兩○岸○黍○稌○何○青○青○秋○分○復○向○天○津○去○
青○青○惟○見○高○岡○樹○無○限○沙○田○儘○變○湖○湖○中○零○落○蘆○荻○枯○
細○看○非○蘆○亦○非○荻○乃○是○良○苗○之○腐○餘○老○農○無○聊○刈○枯○稈○
短○衣○赤○胛○行○泥○塗○憶○昨○透○迤○朝○紫○闕○九○衢○淖○深○鐵○驢○
蹶○歌○樓○舞○榭○晝○閉○門○悶○煞○春○明○袍○與○笏○貴○游○阻○雨○興○不○
遑○且○向○蒼○天○嗟○咄○咄○矧○茲○赤○子○胼○胝○勞○終○歲○辛○勤○付○飄○

沒○茅○屋○三○兩○間○斜○倚○河○之○洲○長○堤○十○數○里○破○缺○東○西○流○
前○年○去○年○連○不○收○忍○饑○謂○待○今○年○秋○那○知○今○年○復○被○水○
雨○師○若○與○燕○人○仇○金○龍○屢○出○不○捍○患○徒○高○鐘○鼓○毋○乃○羞○
有○物○蛇○身○而○頭○方○金○色○長○六○七○寸○常○躍○入○人○舟○河○北○舟○
人○尊○爲○金○龍○四○大○王○於○是○乘○以○盤○舁○以○輿○而○供○之○廟○前○
年○至○天○津○而○天○津○水○本○年○亦○至○異○哉○昨○夜○深○宮○下○明○詔○老○羸○破○涕○騰○歡○
笑○特○向○東○南○撥○帑○金○鹽○課○算○緡○暨○關○鈔○周○書○大○匡○救○穹○
乏○征○當○商○旅○鴻○猷○妙○更○慮○緩○急○遠○不○濟○權○動○丁○銀○先○截○
漕○陽○侯○雖○虐○蒼○天○仁○東○海○枯○魚○蒙○再○造○龍○興○虎○視○首○善○
安○汪○洋○惠○澤○遐○阻○到○從○此○明○堂○玉○燭○調○年○年○甘○雨○和○

風召。

歸遣

人間生佛動仙心。春向蓬山闌苑尋。已面紫皇斟北斗。
卻無玉女界南針。黃金買得風塵苦。白髮輕嘗渤海深。
一鶴一琴秋意好。西風歸奏水龍吟。

海舟遇風

海濤如警客。捷徑究多危。龍已三秋臥。風偏萬里吹。回
頭知有岸。及此欲何爲。但躡狂雷走。天驚地震時。

由滬上登舟作

八月十四日

玩○莫○玩○五○更○之○缺○月○賞○莫○賞○風○雨○之○殘○花○留○連○花○月○行○
樂○事○比○對○殘○缺○生○咨○嗟○我○浮○東○海○至○滬○郭○友○人○徵○歌○定○
驚○魄○坐○中○嬋○娟○三○四○人○強○顏○爲○笑○含○愁○感○蘭○膏○已○涸○燈○
無○光○幢○幢○難○照○歡○場○紅○顏○多○恨○古○今○情○而○我○尋○歡○愁○
轉○生○避○席○歸○舟○搖○槳○去○黃○浦○江○頭○月○自○明○

夜泊五舍五更解纜作

潮○來○打○舟○舟○人○醒○起○看○明○月○當○天○頂○乘○潮○乘○月○促○前○程○
搖○搖○風○露○蘆○花○冷○村○雞○啼○斷○樹○鴉○啼○曉○霞○紅○到○魏○塘○西○
一○路○生○香○菱○芡○熟○秋○波○迎○得○使○君○歸○

由杭返禾舟中作

扁舟江上問新霜。兩岸霜林曉色黃。蒼鶻摩天秋氣厲。
芙蓉近水晚年芳。深憐梗稻吳中歉。又接鄉書楚地荒。
此際玉溪波尚濶。西風烈日作重陽。

蟲災歎

昔年食葉蟲象蠶。今年食根蟲象蟻。蜂腰六足喙黑鬚。
大田曰蟲究誰是。惟聞百歲老翁言。乾隆末年曾患此。
陽愆陰伏變化多。并無父母饒孫子。東田被蝥禾盡枯。
西田堅好或全無。肥田蟄蟄瘦田少。世間飀毒多膏腴。

可憐食葉蟲可撲食根不見難爲啗。淚灑秋天沾破襦。
和何青士觀察載菊巡塘用東坡松風亭韻見寄之作

種花何必江干村。西湖淥亦澄吟魂。况復寒花饒晚節。
把酒喚月迴黃昏。輕舟載花日成趣。底用歸去歌涉園。
鴛湖巡邊正十月。秋霜肅變冬日溫。高登秦駐發長嘯。
萬里東海開朝暾。蒼龍恬息白鼉伏。安瀾喜色盈天門。
寄詩示我世味澹。八年胼胝功不言。手挽銀河心似水。
知心月自來金尊。

巡御河至當湖阻雪

舟自龍頭御口回。弄珠樓畔浪崔嵬。休嫌朔吹行程阻。
只當東湖看雪來。沙堤凍柳舞悠悠。野店紅梅亞瘦枝。自采
菊花新製枕。寒香滿被夢吟詩。

題史冠千水部員外洗馬圖

丈夫雄心託騏驥。駿足常思戰場利。萬里河山入壯圖。
珊瑚鞭卷風雲氣。一朝饒唱告成功。華山之陽桃林紅。
脫劍虎賁解鞍組。天閑十二憩蒼龍。洗兵旣挽銀河水。

負圖更博天顏喜。日月中興波瀾平。閑來爲洗錦障紫。
一洗東南之戰塵。再洗薊北之黃沙。三洗涼州苜蓿塢。
瀛寰蕩蕩成一家。昨聞肅州已有捷。書奏喜極轉覺生。
咨嗟溯自桂林馳鐵騎。干戈蹂躪紛中華。男兒作健寶
刀貴。褒鄂羽箭凌煙誇。如君此圖志。休息靈臺偃伯勳。
可嘉從此紫韁入紫禁。待漏曉聽鶯啼花。飲以蓬萊清
淺水。秣以瓊島仙艸茅。不馳不驟擅矜寵。晚涼踏月天
街斜。

寒遣

無雪無風栗烈寒。關山萬里片冰乾。穹邊餓鹿投羅易。
滄海潛虬入釣難。不信瀛寰圍鐵界。喜聞紫塞脫金鞍。
黃河遠上葡萄酒。可有春風擁帥壇。時恪靖伯克復肅州城
澤國梅花凍不妍。江干黃竹詠誰傳。日行南陸無威耀。
陽激黃鐘有動泉。已駕鐵騶迎項帝。更招白鶴問堯年。
蒼松翠柏荒山遠。且倚紅爐玩水仙。
頻年豐稔補瘡痍。今歲微荒卽患饑。官閣深嚴猶命酒。
茅檐多少歎無衣。雲低沙漠氍毹硬。河凍蘇杭估棹稀。
拳盡鷺鷥巢盡鵲。蒼鷹依舊負天飛。

呼卽飛霜唾卽珠詩心冷淡入冰壺
慙童團雪成蓮炬玉女焚香暖繡襦
夢入西湖鞭瘦馬欲膠東海阻飛鳧
蒼山石裂天風吼吹得乾坤律轉無

九月十五日恪靖伯陝甘總督克復肅州關內肅
清晉協辦大學士發部庫銀百萬以犒軍諸將
士策功有差上命將軍金順會景廉以勦古
城穆圖善堵安西玉門敦煌張曜宋慶會文麟
明春以解哈密之圍西域戎機大轉詩以誌喜
朝右久虛揆相席天心留待報元勲果清關內懸秋月

定見河源掃白雲。萬里冰霜眞血戰。中興日月此雄軍。
腐儒資格休嚙舌。誰奉金湯答聖君。

黃麻手付大司農。百萬朱堤啟庫封。金帛豈徒酌闕虎。
繡裳全仗補山龍。赤羌筈管還軍樂。青海葡萄勞酒鍾。
試上崆峒窺北極。紫宮輔弼瑞光重。

尚有餘氛漠北游。神臆指顧一齊收。偏裨宵臥銀鞍抱。
盟部朝煙毳幄浮。天網那容青兎穴。江波應卷黑龍頭。
紫光閣上功成宴。預洗和闐白玉甌。
伊犁蕞事倚承平。葉爾擒酋止四城。茲定東南轉西北。

直○扶○江○漢○洗○滄○瀛○賢○豪○幾○輩○推○棋○險○朝○野○多○年○望○武○成○
積○甲○天○山○千○萬○丈○海○洲○島○國○定○神○驚○

李黼堂中丞前游西湖遂游雁宕天台普陀後繪

三山歸棹圖茲重來杭州寄此

三○山○歸○棹○繪○吟○圖○遺○卻○雙○峯○靈○鷲○腴○楊○柳○六○橋○應○笑○客○
此○來○纔○算○爲○西○湖○

中丞以三山摩崖石榻見寄答此

筆○墨○能○開○萬○古○天○名○山○誰○道○藉○神○仙○覽○公○東○浙○摩○崖○字○
置○我○西○秦○篆○石○年○猿○鶴○深○林○縣○日○月○蛟○龍○滄○海○抱○雲○煙○

欲煩更撰中興頌歸泐湘江衡岳巔

歲暮

歲○暮○客○心○閑○梅○花○啟○笑○顏○孤○懷○對○冰○雪○令○句○寫○河○山○久○
蟄○龍○將○老○高○雲○鶴○未○還○呼○童○斬○荆○棘○着○力○濟○時○艱○

惡衣美食篇

惡○衣○而○美○食○麝○煤○浸○枯○筆○陽○博○節○儉○名○陰○盲○繁○華○實○嶽○
嶽○名○流○半○若○斯○琅○玕○滿○腹○潤○膏○脂○伯○頤○鳳○德○無○醒○日○醒○
來○大○笑○紈○袴○痴○廢○種○桑○圃○開○飼○鴨○池○退○大○裘○氏○進○珍○膳○
司○使○我○飛○潛○動○植○不○得○稍○恬○息○張○羅○設○阱○山○海○移○老○編○

食譜將世垂選樓但錄公讌詩黃金底用買白紵玉盤
象箸饒相知乃知伯仲伊呂日卽在鼓刀斟雉時

東山雲篇

東山一片雲上竊日月顏不肯數天作霖雨回光只照
鄉黨間坐使枌榆起驕色方社直成鼯鼠國曾孫田峻
束手觀三歲慣汝莫肯德我欲因之問紫皇紫皇乃使
裴廉效職爲吹揚鸞飄鳳泊天一方美人娟娟芙蓉裳
招之不來阻江水長年故傍巉巖傍咄哉慳雲出慳石
垂龍自古分封疆俯仰天地增徬徨

天

北原瞻極定。西卻帶星馳。有象昭千古。無言變四時。華夷同冒戴。情性費猜疑。搔首何須問。心盟白日時。

地

鐵馬邊方拓。銅船海又開。江山龍虎窟。食貨甲兵媒。天外知無國。荒中竟有才。不須珍異產。稼穡是栽培。

風

風行空倚傍。倚傍見風情。雲水江山態。春秋草木聲。中原今浩蕩。北漠尚縱橫。飄瞥難爲範。艱難出塞兵。

雲

浮雲雖幻象。萬古卻無窮。天地氤氲裏。鶯花庇蔭中。海濱先就日。龍外更從風。朝夕看無厭。文章變化同。

春意

寒雲倚日變凝霞。東海鞭春感物華。凍竹已橫穿土笋。疏梅猶放冷時花。雪銷萬壑沈魚躍。風撼長天塞雁斜。繡閣珠簾人早起。也纏綵勝作當家。

立春雨

青旗搖曳海雲行。大地春涵細雨情。漠漠冰霜銷澤國。

陰陰樓閣濕江城。詩成西浙梅花放。酒醺東風蕙艸生。
爲報蒼龍須效順。好調玉燭答承平。

述詩

金石含清韻。觸手成宮商。肺腑蘊衆理。觸情生文章。鶯
花與雪月。歎歎風雲忙。雖然風雲忙。山岳各有方。登山
覽八極。悠悠送鴻荒。鴻荒亦已矣。憂世謀津梁。背古馬
脫組。貌古楮無香。姬公咏蟋蟀。素王篋滄浪。識高辭轉
近。語重心乃長。俯拾得香艸。仰觀質青蒼。大道在目前。
休入迷陽場。